



# Andere Predigt /

Über diesen Gesang.

T E X T U S.

**D**es solt ihr billich frölich seyn / daß  
Gott mit euch ist worden ein / Er ist  
geborn ewr Fleisch vnd Blut / ewr Bru-  
der ist das ewig Gut. Was kan euch  
thun die Sünd vnd Todt / ihr habt mit  
euch den wahren Gott / Laß zürnen Teu-  
fel vnd die Hell / Gottes Sohn ist wor-  
den ewr Gesell.

## Exordium.

**E**s spricht der Königliche Prophet David Psal. 84.  
v. 3. also: Mein Leib vnd Seel frewet sich in dem  
lebendigen Gott. In diesen Worten haben wir:

I. Gaudii spiritualis subjectum: Wer sich fre-  
wen soll: Vnser Leib vnd Seel: vnser Herze muß frölich  
seyn / vnd müssen ihm dancken mit vnserm Lied / Psal. 28. v. 7.  
vnser Herz muß sich seiner frewen / Psalm. 33. vers. 21. vnser

H iij

Herz